

黃帝內經素問註證發微卷五

明太醫院正文會稽庠生元臺子馬時仲化註證

氣厥論篇第三十七

未有故得之氣厥也則凡

黃帝問曰五藏六府寒熱相移者何岐伯對曰腎移寒于

肝癰腫少氣脾移寒于肝癰腫筋攣肝移寒于心狂隔中

心移寒于肺肺消肺消者飲一溲二死不治肺移寒于腎

為涌水涌水者按腹不堅水氣客于大腸疾行則鳴濯濯

如囊裹漿水之病也腎移寒于肝肝字的作脾故下文即

義為順甲乙經全元起皆作脾王氏誤註為肝未詳下文

大義也其下文移熱亦是腎移脾脾移肝肝移心心移肺

肺移腎不言腎移肝也



此因帝以藏府寒熱相移爲問而先卽五藏之移寒者
告之也。腎傷于寒而傳之脾。傳其所勝已者其寒甚矣。
惟胃主肉。肉得寒則爲堅。堅久則化爲熱。故輕則爲腫。
重則爲癰也。脾病不能運化。故元氣亦衰少矣。
移寒于肝。亦傳其所勝已者。其寒盛矣。肉寒而衛氣結
聚。故爲癰腫。肝藏主筋。肉寒而筋脈拘急。故爲筋攣也。
又肝移寒于心。傳其我所生者。則心爲陽藏。神處其
中。今寒薄之。而神氣亂離。故爲狂。且心脉起于心中。出
屬心。系下膈。故爲隔塞不通也。又心移寒于肺。傳其
所不勝者。則全被火刑。肺精燥燥。故爲肺消。肺消者。飲

雖止于一分而洩則倍之入少出多精氣耗散主死有

治。又肺移寒于腎傳其我所生者則肺寒入腎腎

干母上奔于肺故為涌水大腸為肺之府今肺腎俱為

寒薄上下皆無所之其水氣當客于大腸也方其疾行

則腸中似鳴濯濯有聲如以囊裹漿此乃水之病耳

脾移熱于肝則為驚衄肝移熱于心則死心移熱于肺傳

為鬲消肺移熱于腎傳為柔痺腎移熱于脾傳為虛腸澼

死不可治。瘵音熾

此又即五藏之移熱者告之也肝藏血又主驚今脾移

熱于肝傳其所勝已者其熱盛矣則肝氣必虛故被所

勝者乘所不勝當為驚為衄衄者鼻中出血也

君火肝有相火肝移熱于心傳其我所生者然心不愛

邪以母傳子而二火炎熾病不可支故死

過四日而死肝陰陽別論云人有膈膜前齊鳩尾後齊十一椎居

心肺之下而有斜膜上與心肺相連故心移熱于肺傳

其我所勝者則上文心移寒于肺寒蒸為熱而成肺消

今則禹亦被熱而成禹消由此推之則肺消難免矣上

文曰死不治而此亦非易治之證也

一說禹證肺消當為二病

肺

主氣腎主骨肺熱有餘傳之于腎傳其我所生者則氣

與骨而皆熱其骨成痠而難舉柔則痿弱無力也

脾

土制水。腎反移熱以與之。傳其所不勝者。其熱盛矣。是脾土不能制水而受病。以則爲益虛也。脾氣不能運化而小腸大腸皆有滯積。如通評虛實論所謂或便血或下白沫。或下膿血者是也。此則土絕水竭。死不可治。胞移熱于膀胱。則癰溺血。膀胱移熱于小腸。則腸不便。上爲口糜。小腸移熱于大腸。爲虛瘕爲沈。大腸移熱于胃。善食而瘦。人謂之食。亦胃移熱于膽。亦曰食亦。膽移熱于脾。則辛頰鼻淵。鼻淵者。濁涕下不止也。傳爲衄。衄。膜目。故得之氣厥也。糜武悲切。虛伏同。人謂之食。亦之入字當作又。膜莫結切。

此以六府之移熱者告之也。王安道曰。膀胱固爲津液

之府。又有胞居膀胱之中。靈樞五味篇曰。膀胱之胞薄以懦。類纂曰。膀胱者。胞之室。今胞中熱極。乃移熱于膀胱。則爲癰。爲溺血。癰者。小便不通也。宣明五氣論曰。膀胱不利爲癰。蓋熱極則胞與膀胱皆脹。而溺不得出也。溺血者。血隨溺下也。正理論曰。熱在下焦則溺血。膀胱上口。上連于小腸。今膀胱之熱移之。是水能勝火也。故小腸本受盛之官。化物所出。今火熱薰蒸。其腸隔寒而熱燥不下。不得二便。且熱上出於口。亦爲口瘡而糜爛。蓋七竅在上口。通腸胃。其病如此耳。小腸下口大腸之上口也。小腸移熱于大腸。是傳其所勝也。兩熱相

搏則血積而爲伏瘕其伏瘕則沉于其中也胃爲水穀之海其氣外養肌肉今大腸之熱移之是傳其生我者也則胃火愈盛食已如饑故雖多食而肌肉瘦瘠又謂之食易其亦當作易蓋飲食移易而過不生肌膚也

胃移熱于膽是傳其所勝我者則胃病如故而膽木生火亦當善食而瘦也亦名曰食易膽脉起于目銳

眦上抵頭角下耳後凡腦後之穴曲折布繞故膽移熱于腦則辛頰鼻淵辛頰者鼻頰辛酸也鼻淵者濁涕下不止也此皆熱使之然及其久而傳也則爲衄衄爲瞑目蓋鼻熱既久血從上湧故鼻中出血其目亦瞑暗也

凡此五藏六腑寒熱相移者如此皆得之氣逆所致也醫者能隨各經之氣以預治之則寒熱可以不至相移矣。

○欬論篇第三十八

內論五藏六腑之欬各有形狀治法故名篇

黃帝問曰肺之令人欬何也岐伯對曰五藏六腑皆令人欬非獨肺也帝曰願聞其狀岐伯曰皮毛者肺之合也皮毛先受邪氣邪氣以從其合也其寒飲食入胃從肺脉上至于肺則肺寒肺寒則外內合邪因而客之則爲肺欬五臟各以其時受病非其時各傳以與之人與天地相參故五臟各以治時感于寒則受病微則爲欬甚則爲泄爲痛



南京中醫藥大學圖書館藏

乘秋則肺先受邪。乘春則肝先受之。乘夏則心先受之。乘至陰則脾先受之。乘冬則腎先受之。

此言五臟六腑皆能成痰。然必肺先受邪。而傳之于各

經也。言皮毛為肺之合。五臟生氣篇云。肺之合皮也。皮毛先受風寒

邪氣。而邪氣遂入于所合。則肺當受此風邪也。但風邪

雖受于其後。而肺寒則曰病于其先。其始因用寒冷飲

食。以入于胃。從肺脉上至于肺。則肺寒矣。肺寒則內寒

因外受風邪。則外寒外內皆寒。所以肺之遂成其痰。而

傳之他臟肺也。大凡五臟各以其所主之時受病。非所

主之時。則由別經傳以與之。正以人身與天地相參耳。

故五臟各以五時感于寒則受病感之微者則爲欬感
之甚者則爲泄爲痛卽如肺主于秋故肺先受邪肝
主于春故肝先受邪心主于夏故心先受邪脾主
于土故脾先受邪腎主于冬故腎先受邪皆因五時而受邪
也唯欬則肺先受邪爲欬而傳之別臟斯五臟六腑皆
得以成欬也豈特肺而已哉

帝曰何以異之岐伯曰肺欬之狀欬而喘息有音甚則唾
血心欬之狀欬則心痛喉中介介如梗狀甚則咽臍喉痺
肝欬之狀欬則兩脇下痛甚則不可以轉轉則兩脇下滿
脾欬之狀欬則右脇下痛陰陰引肩背甚則不可以動動

則欬劇。腎欬之狀。欬則腰背相引而痛。甚則欬涎。

此言五臟之欬。其狀有不同也。肺主氣。又主息。今肺受邪。則發而爲喘息有音。以肺屬金。金必有聲也。甚則而隨唾出。肺氣受傷也。肺欬之狀如此。手少陰心經之

厥。起于心中。出屬心系。其支別者。從心系上林咽喉。手厥陰心主之脉。起于胸中。出屬心包絡。故心受邪。則欬

必心痛。喉中介介。如有梗狀。甚則咽腫喉痺。心欬之狀

如此。足厥陰肝經之脉。上貫膈。布脇肋。循喉嚨之後。

故肝受邪。則兩脇下痛。痛甚則脇不可轉。如轉則兩脇下脹滿。肝欬之狀如此。足太陰脾經之脉。上貫膈。挾

咽其支別者復從胃別上高故脾受邪則欬必右眩下
痛以脾居于右也其痛陰陰然引于肩背蓋脾氣連肺
故痛引肩背也如痛甚則不可以動動則欬愈劇劇者
甚也脾欬之狀如此足少陰腎經之脉上股後內廉

貫脊屬腎絡膀胱其道行者從腎上貫肝膈入肺中循
喉嚨挾舌本又腰者腎之府故腎受邪則欬必腰背相

引而痛甚則涎隨欬出以腎主涎也腎欬之狀如此按

事難知集李東垣治五藏欬方肺欬用麻黃湯心欬用
栝梗湯肝欬用小柴胡湯脾欬用升麻湯腎欬用麻黃
附子細辛湯雖未盡中
病情始脩以此俟採擇

帝曰六腑之欬奈何安所受病岐伯曰五臟之久欬乃

于六腑。脾欬不已。則胃受之。胃欬之狀。欬而嘔。嘔甚則長蟲出。肝欬不已。則膽受之。膽欬之狀。欬嘔膽汁。肺欬不已。則大腸受之。大腸欬之狀。欬而遺矢。心欬不已。則小腸受之。小腸欬之狀。欬而失氣。氣與欬俱失。腎欬不已。則膀胱受之。膀胱欬之狀。欬而遺溺。久欬不已。則三焦受之。三焦欬之狀。欬而腹滿。不欲食飲。此皆聚于胃。關於肺。使人多涕唾。而面浮腫。氣逆也。

此言六腑欬狀。由五臟所移。而久欬則三焦受之。然合五臟六腑之欬。而未有不聚于胃。關於肺者也。欬必以肺受邪。而後傳之于五臟。故五臟欬甚。而後各傳于六

府脾之脉屬脾絡胃胃之脉屬胃絡脾相爲表裏故脾
欬不已則胃受之胃脉循喉嚨入缺盆下鬲屬胃故
則必嘔嘔甚則長虫出長虫者蛇虫也胃欬之狀如此
肝之脉屬肝絡膽膽之脉屬膽絡肝相爲表裏故肝
欬不已則膽受之膽脉從缺盆以下胸中貫膈故欬則
嘔出膽汁其味苦也膽欬之狀如此肺之脉屬肺絡

大腸大腸之脉屬大腸絡肺相爲表裏故肺欬不已則
大腸受之大腸之脉入缺盆絡肺下膈爲傳導之府故
欬則遺矢穢物也大腸欬狀如此心之脉屬心絡小
腸小腸之脉屬小腸絡心相爲表裏故心欬不已則小

腸受之小腸之下卽大腸也。今欬則下失其氣其氣與
欬而俱失也。小腸欬狀如此。六府之欬不亡則
之。此三焦者非手少陽三焦之三焦乃上中下
見于靈樞營衛生會篇其曰宗氣出于上焦營氣出
中焦衛氣出於下焦又曰上焦如霧中焦如漚下焦如
瀆者是也。上焦在于膻中中焦在于中脘下焦在臍下
陰交皆在于腹故欬則腹滿不欲食飲也。若手少陽之
三焦則爲右腎之府與腹無與三焦欬狀如此。
或手少陽三焦亦爲一府何以無欬爲疑殊不知二腎一也勝
胱爲腎之府三焦不過亦爲決瀆之官今勝胱受邪而
欬則手少陽三焦之欬夫五臟六腑之欬如此然皆聚
同也何以復有欬哉

之于胃、以胃為五臟六府之主也、關之于肺、以肺受
邪而後傳之于別臟、別府也、使人多涕唾、而面浮腫、
以氣逆于上故耳、此乃臟腑欬疾之總證也。按李東垣
方胃欬用黑梅丸、胆欬用黃芩加半夏生薑湯、大腸欬
用赤石脂禹餘糧湯、桃仁湯、不止、用猪苓湯、分水、小腸
欬用芍藥甘草湯、膀胱欬用茯苓甘草湯、三焦欬用
錢氏興功散、雖未必盡中病情、姑備此以候採擇。

帝曰、治之奈何、岐伯曰、治臟者、治其俞、治府者、治其合、浮
腫者、治其經、帝曰、善。

此言治欬之法、五臟必治其俞穴、六腑必治其合穴、浮
腫必治其臟腑之經穴也、五臟俞穴者、肺俞、太淵、脾俞、
太白、心俞、神門、腎俞、太谿、肝俞、太衝是也、六腑合者、大

腸合曲池、胃合三里、小腸合小海、膀胱合委中、三焦合
天井、膽合陽陵泉是也。若臟腑之欬而面皆浮腫、則隨
臟腑之經穴而各分治之。肺之經穴經渠、大腸之經穴
陽谿、胃之經穴解谿、脾之經穴商丘、心之經穴靈道、小
腸之經穴陽谷、膀胱之經穴崑崙、腎之經穴復溜、心包
絡之經穴間使、三焦之經穴支溝、膽之經穴陽輔、肝之
經穴中封是也。

○舉痛論篇第三十九

首篇悉舉諸痛
以爲問故名篇

黃帝問曰：余聞善言天者，必有驗于人；善言古者，必有合
于今；善言人者，必有厭于己。如此則道不惑而要數極，所